

**Ցանկ**  
**ՀՀ Սյունիքի մարզում կիրառվող ազգային խաղերի**

| N  | Խաղի անվանումը                  | Խաղի նկարագրությունը                                                                                                                                                                                                                                                                                                                                                                              | Իրականացման վայր, համայնք                                  |
|----|---------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------|
| 1. | <b>ՊԱՀՄՏՈՑԻ<br/>/թախկընոցի/</b> | Խաղացողներից մեկը պետք է աչքերը փակի որևէ տեղ, սկսի հաշվել մինչև նախնական պայմանավորված թիվը, իսկ մյուսները պետք է հասցնեն թաքնվել: Հաշվողը սկսում է փնտրել թաքնված խաղացողներին, իսկ թաքնվածները պետք է հարմար պահ գտնեն, թաքուն մոտենան այն վայրին, որտեղ որոնողը հաշվել էր և գոռան՝ Թո՛ւ, թո՛ւ: Հաջորդը աչքերը փակում ու մյուսներին փնտրում է այն մասնակիցը, ում առաջինը գտել է աչքերը փակողը: | Կապան, Գորիս, Սիսիան, Տեղ, Տաթև, Քաջարան, Մեղրի համայնքներ |
| 2. | <b>ՄՈՒԿՆ ՈՒ ԿԱՏՈՒ</b>           | Երեխաները ձեռք ձեռքի են տալիս, շրջան կազմում՝ նախապես մեկին մուկ, մյուսին կատու նշանակելով: Մուկը շրջանի դրսից մեկնումեկի թևամիջով ներս է մտնում և կատվին խաբս տալով՝ դուրս է գալիս մեկ ուրիշ տեղով, իսկ կատուն հետապնդում է նրան և նույն տեղերով մտնում ու դուրս է գալիս՝ աշխատելով բռնել մկանը:                                                                                                 | Գորիս համայնք                                              |
| 3. | <b>ԿԱՐՄԻՐ ԿՈՃԱԿ</b>             | Երեխաները նստում են աթոռներին, ձեռքերը մեկնում առաջ՝ ափերն իրար կպցրած: Խաղավարն իր ափի մեջ թաքցնում է կարմիր կոճակը, մոտենում է յուրաքանչյուր երեխայի ու նրա ափի մեջ մտցնելով ձեռքերը՝ կոճակը թաքուն գցում է երեխաներից մեկի ձեռքերի մեջ: Ընթացքում կարող է որևէ խաղերգ արտասանել, իսկ                                                                                                           | Գորիս համայնք                                              |

|   |                                     |                                                                                                                                                                                                                                                                                                                                                                                                                                                                                                                                                                                                                                                                                                                                                                              |                                                            |
|---|-------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------|
|   |                                     | վերջացնելուց հետո էլ ասում է «Կարմի՛ր կոճակ, դո՛ւրս արի»:                                                                                                                                                                                                                                                                                                                                                                                                                                                                                                                                                                                                                                                                                                                    |                                                            |
| 4 | <b>ԱՅԳԵՂԱՆ</b>                      | <p>Խաղում են խմբով, անհրաժեշտ է կենտրոնացում և ուշադրություն: Խմբից ընտրվում է այգեպան, ընտրում են նաև թեման՝ միրգ, բանջարադեն, յուրաքանչյուրին տրվում է անուն: Այգեպանի և միրգ/բանջարեղենների միջև ծավալվում է հարց ու պատասխան: Օրինակ՝ Այգեպան - Այգեպանը հավաքեց բոլոր մրգերից/բանջարեղենից, բացի խնձորից: Խնձոր - Օ՛յ: Այգեպան - Ի՞նչ պատահեց: Խնձոր - Սիրահարվեցի: Այգեպան - Ո՛ւմ: Խնձոր - Գազարին:</p> <p>Անմիջապես պատասխանում է գազարն, ու խաղը շարունակվում է այգեպանի ու գազարի միջև:</p>                                                                                                                                                                                                                                                                         | Կապան, Գորիս, Միսիան, Տեղ, Տաթև, Քաջարան, Մեղրի համայնքներ |
| 5 | <b>ՅՈԹՔԱՐԱՆԻ<br/>/յոթքուռնուկի/</b> | <p>Հնում եղել են ռազմական խաղեր, որոնք փոխանցվել են սերնդեսերունդ: Այդպիսի խաղերից է նաև յոթ քարը: Նախկինում այն խաղացել են թշնամու վահանի կոտրված կտորներով: Խաղի մասնակիցները հավաքել են փշրված յոթ կտորները և դրանք նորից կառուցելով՝ ամրացրել են իրենց բերդը և դուրս վանել թշնամուն: Իսկ այնուհետև վահանի կտորներին փոխարինելու են եկել յոթ տափակ քարերը:</p> <p>Խաղը սկսելու համար 7 քարը շարում են իրար վրա: Առաջինը սկսող թիմը կանգնում է շարված քարերից 7 քայլ հեռավորության վրա: Մասնակիցները գնդակը գլորում են քարերի ուղղությամբ՝ փորձելով քանդել բուրգը: Գլորող թիմի անդամներից յուրաքանչյուրն իրավունք ունի ընդամենը մեկ անգամ գլորել գնդակը: Մյուս թիմը կանգնում է քարերի մոտ: Երբ գնդակը գլորող թիմին հաջողվում է քանդել շարված 7 քարը, մյուս թիմը պետք է</p> | Կապան, Գորիս, Միսիան, Տեղ, Տաթև, Քաջարան, Մեղրի համայնքներ |

|   |                                  |                                                                                                                                                                                                                                                                                                                                                                                                                                                                                                                                                                                                                                                                                                                                                                       |                                                            |
|---|----------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------|
|   |                                  | այդ քարերն արագ-արագ իրար կողք դնի և վազի գնդակի հետեւից: Քարերը քանդած թիմը պետք է փորձի կրկին դրանք շարել իրար վրա, իսկ հակառակորդ թիմը հարվածի գնդակով թիմի անդամներին և թույլ չտա անել դա: Ում դիպչի գնդակը, խաղից դուրս է գալիս, իսկ եթե կարողանան գնդակն օղից բռնել, պետք է նետեն ինչքան հնարավոր է հեռու և շարունակեն խաղը՝ հասցնելով հավաքել 7 քարն իրար վրա, այնուհետև ձեռքը պահել քարերի մոտ և իրար փոխարինելով հաշվել մինչև 40-ը:                                                                                                                                                                                                                                                                                                                          |                                                            |
| 6 | <b>ՌԵԶԻՆ /պարան, ծապի, լապի/</b> | Խաղի համար ընտրում են հաստ երկար ռեզինից պարան, և խաղացողները բաժանվում են երկու թիմի կամ նույնը արվում է երկու հոգու միջև: Ընտրվում է պարանի կենտրոն և մասնակից թիմերը աջ և ձախ կողմերում փորձում են ինչքան հնարավոր է իրենց քաշել հակառակորդ թիմին:<br>Ռեզին կարելի է խաղալ ինչպես թիմերով, այնպես էլ անհատապես: Այն խաղ է պարանի վրայով տարբեր վարժություն՝ թռիչքների միջոցով: Թիմերով խաղի դեպքում առավել ճարպիկ խաղացողները կարող են «ազատել» վարժությունը չկատարած թիմակցին, այսինքն իրենց տեղը խաղալուց բացի ևս մեկ անգամ խաղալ թիմակցի փոխարեն: Երբ մի թիմը չի կարողանում կատարել վարժություններից մեկը, «մեջ է մտնում» ռեզինը պահող թիմն ու այդպես շարունակ: Ամեն հաջորդ «մեջ մտնելիս» թիմը շարունակում է խաղն այն թվի վարժությունից, որի ժամանակ պարտվել է: | Կապան, Գորիս, Սիսիան, Տեղ, Տաթև, Քաջարան, Մեղրի համայնքներ |
| 7 | <b>ՈՒԺԱԽԱՂ /պարանքաշոցի,</b>     | Խաղի համար ընտրում են հաստ երկար պարան, և խաղացողները բաժանվում են երկու թիմի կամ նույնը արվում է երկու հոգու միջև:                                                                                                                                                                                                                                                                                                                                                                                                                                                                                                                                                                                                                                                   | Գորիս համայնք                                              |

|     |                                                           |                                                                                                                                                                                                                                                                                                                                                                                                                                                                          |                                                                  |
|-----|-----------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------|
|     | <b>պարանձգոցի/</b>                                        | Ընտրվում է պարանի կենտրոն, և մասնակից թիմերը աջ և ձախ կողմերում փորձում են ինչքան հնարավոր է իրենց քաշել հակառակորդ թիմին:                                                                                                                                                                                                                                                                                                                                               |                                                                  |
| 8   | <b>ԱՔԼՈՐԱԿՈՒՎ</b>                                         | Աքլորակռիվ խաղի 2 տարբերակ կա երբ աքլորներին են կռվեցնում և ընտրում հաղթող աքլորին, և երբ մարդիկ են կռվում, ինչպես աքլորները: Խաղացողները նմանակում են իրական աքլորների շարժումները, այդ պատճառով էլ կոչվում է Աքլորակռիվ: Աջ ձեռքով մեջքի կողմից բռնում են ծավաձ ձախ ոտքը և թռչկոտելով աջ ոտքի վրա՝ ուսով այնքան են իրար թեթևակի խփում, մինչև խաղացողներից մեկը վայր է ընկնում, պարտվում:                                                                               | Գորիս համայնք                                                    |
| 9   | <b>ՔԱՐԿՏԻԿ<br/>/չրչրմանքի, քարի-<br/>քարի, տափի-տափի/</b> | Քարկտիկը խաղում են 5 ողորկ քարով, հարթ տեղում: Քարերից չորսը նյութական աշխարհի հիմքը համարվող չորս տարրերն են՝ ջուրը, օդը, հողն ու կրակը, իսկ հինգերորդը՝ եթերը: Խաղն ունի վեց փուլ՝ մինպար, մեկնուկ, երկնուկ, թաք ու երեքնուկ, շնուկ, ճանտաս: Քարերից մեկը պահում են ձեռքի մեջ, մյուսները՝ գետնին: Ձեռքի մեկ քարը օդ գցելով՝ փորձում են գետնի քարերը ավիով վերցնել, մինչև վերև նետած քարն էլ կբռնեն: Այդպես՝ մինչև բոլոր քարերը մեկ ավիով հավաքում են:                  | Կապան, Գորիս, Միսիան,<br>Տեղ, Տաթև, Քաջարան,<br>Մեղրի համայնքներ |
| 10. | <b>ԳՈՐԾՆԱԳՈՐԾ<br/>/լաֆտա/</b>                             | Այս խաղը խաղում են երկու թիմով՝ խփողներ և մեջ խաղացողներ: Մինչև խաղը սկսելը խաղացողները սահմանում են տարածք, թե որտեղից որտեղ պիտի կանգնեն գնդակով խաղացողները, թիմի ավագները ընտրում են իրենց թիմերի մասնակիցներին «ցելայով», «չինգաչունգով», «ոտք գցելով»: Այդ մեթոդներից մեկով որոշվում է նաև, թե առաջինը որ թիմն է խաղալու: «Խփող» թիմի անդամները կանգնում են սահմանված տեղերում և սկսում են գնդակով խփել «մեջ խաղացողներին»: Գնդակը ում դիպչում է, դուրս գալիս: Իսկ | Կապան, Գորիս, Միսիան,<br>Տեղ, Տաթև, Քաջարան,<br>Մեղրի համայնքներ |

|     |                |                                                                                                                                                                                                                                                                                                                                                                                                                                                                                                                                                                                                 |                                                            |
|-----|----------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------|
|     |                | <p>Եթե նրանցից մեկը կարողանում է օդում «պաս» բռնել, մեկ միավոր է գումարվում իրենց թիմի օգտին, որը կարող են օգտագործել կամ դուրս եկած խաղացողին նորից խաղի մեջ ընդգրկելով, կամ վերջում, երբ մենակ մնացած խաղացողը պետք է միայնակ խաղա: Այս պարագայում էլ կամ խաղացողի անվան տառերի չափով պետք է խուսափի գնդակից, կամ նախապես սահմանված թվով: Եթե մասնակիցը, ում անվանում են աքլոր, կարողացավ խուսափել գնդակի հարվածներից, նրա թիմը նորից է մտնում խաղի մեջ, եթե ոչ՝ «խփող» թիմն է սկսում «մեջ խաղալ»:</p>                                                                                        |                                                            |
| 11. | <b>ՀԱՎԱԼԱ</b>  | <p>Այս խաղը մեծ տարածում ունի Գորիս համայնքում: Խաղում են առավելապես տղաները: Տղաներից մեկը կռանում է՝ ձեռքերը դնելով ծնկներին: Մյուս տղաները, ոտքերը լայն բացելով, թռչում են կռացած տղայի վրայով: Ում ոտքերը դիպչում են կռացած տղային, նա է կռանում նույն դիրքով:</p>                                                                                                                                                                                                                                                                                                                          | Կապան, Գորիս, Միսիան, Տեղ, Տաթև, Քաջարան, Մեղրի համայնքներ |
| 12  | <b>ՉԻՆԳԻԼԻ</b> | <p>1 Փոքր փոսի վրա հորիզոնական փայտե ձող է դրվում, ապա խաղացողը ավելի երկար ձողով նետում է փոսի վրայի ձողը՝ օդում հարվածելով: Եթե խաղացողներից մեկին հաջողվում է բռնել ձողը, նա է շարունակում, եթե ոչ՝ երկար ձողով հաշվում են, թե ինչ հեռավորության վրա է հայտնվել նետված ձողը: 2 Խաղացողը բռնում է երկար ձողը, վրան խաչաձև դնում կարճը, նետում՝ օդում հարվածելով, եթե որևէ մեկը բռնում է, նա է շարունակում, եթե ոչ՝ խաղացողը, դարձյալ չափվում է հեռավորությունը: 3 Խաղացողը ձողը բռնում է այնպես, որ բռունցքից երևում է 2-3 սմ, ապա խաչաձև դնում է կարճը, նետում օդ՝ հարվածելով երկար ձողի</p> | Մեղրի համայնք                                              |

|    |                                                      |                                                                                                                                                                                                                                                                                                                                                                                                                                                    |                                                                  |
|----|------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------|
|    |                                                      | ետնամասով, եթե խաղացողներից մեկը բռնում է ձողը, նա է շարունակում, եթե ոչ՝ խաղացողը, նորից չափվում է հեռավորությունը: Հաղթում է նա, ով ձողը նետել է ավելի հեռու:                                                                                                                                                                                                                                                                                    |                                                                  |
| 13 | <b>SU-SU</b>                                         | Խաղը հորինվել է 2-րդ համաշխարհային պատերազմի տարիներին: Խաղում էին հիմնականում տղաները, փայտից կամ մետաղական լարից պատրաստում էին ավտոմատներ կամ ատրճանակներ, բաժանվում խմբերի /մերոնք և նեմեցները/ պայմանական խրամատներ կամ բարիկադներ էին «կառուցում» և սկսում կրակել միմյանց վրա: Գոռում էին՝ «տա-տա» /կրակոցի ձայն/ և «խփում» իրար: Կրակում էին «բարիկադներից» դուրս եկածներին, հաղթում էր այն թիմը, որն ավելի քիչ «գոհեր» ունի:               | Կապան համայնք                                                    |
| 14 | <b>ԲՈՆՈՑԻ<br/>/«հետանանելան»-<br/>հետևից ընկնել/</b> | Խաղը սկսում են շրջանաձև կանգնելով, մեկը շեշտված վանկերով և հերթականությամբ մատնացույց անելով արտասանում է ազգային խաղերի ժամանակ ստեղծված քառատողերից /օրինակ՝ Ալա-բալա նիցա, դուրս կաբա նիցա և այլն/: Քառատողը կրկնվում է այնքան, մինչև որ բոլորը հերթով դուրս են գալիս: Վերջին մնացողը պետք է հերթով բռնի ընկերներին /գերի վերցնի/: Չբռնվելու և գերի չընկնելու համար խաղացողները պետք է կռանան կամ պազեն, հետո շարունակեն վազել, փախչել բռնողից: | Կապան, Գորիս, Միսիան,<br>Տեղ, Տաթև, Քաջարան,<br>Մեղրի համայնքներ |